

楊襄毅公本兵疏議

楊襄毅公本兵疏議卷之二上

覆巡撫順天都御史耿隨卿條議保甲事宜疏

少保兼太子太保兵部尚書臣楊博等謹

題爲酌陳安民救時之要以慰

聖心以隆

聖治事職方清吏司案呈奉本部送兵科抄出整飭薊州等處邊備兼巡撫順天等府地方都察院右僉都御史耿隨卿題奉

聖旨兵部知道欽此欽遵抄出送司案呈到部看得巡撫順天等府右僉都御史耿隨卿所陳四事均屬詳妥

至於所稱民難慮始可與樂成不貴空言貴臻實效
尤爲確論合就開立前件議擬上請定奪嘉靖四十
五年九月初九日題奉

聖旨這事還著巡撫官斟酌民情土俗從宜施行勿容有
司因而生擾欽此

一編保甲欲將各州縣衛所城市鄉村不論軍民不
分仕宦不遺寫遠寄零寄居佃田人戶十家爲甲甲
有長十甲爲保保有長副挨次冊編逐門牌列無事
則彼此保守有警則首尾策應議處俱已明悉合無
依其所擬徑自施行果有權豪勢要阻撓抗違悉聽

兵備道參呈撫按指參奏從重究治

一嚴譏察欲將編定保甲人戶懸掛直牌刊刻冊籍定立條約挨門覺察按月關報并講明

聖諭榜文俱已明悉合無依其所擬徑自施行不許有司因而科派紙張反爲民害

一明約束欲將編定保甲人戶簡選壯丁派出門夫丁少則三家輪應一夫丁多則一家止於三夫分置器械攢造旗鑼鉄銃遇有盜賊鳴鑼集甲放銃集隣觀望者有罪被盜者均賠俱已明悉合無依其所擬徑自施行其餘器械隨其家之所有短鎗悶棍無所

不可不必斂錢置買致成奸弊

一重責成欲將保甲之法責委守令掌印巡捕官綜理於上保甲長副分行於下仍各隨疎失次數捕獲名起分別賞罰革降無非明示激勸之意合無依其所擬先行明白曉諭使之人人洞悉三月之後方可照例舉行以免不教而殺之議

覆巡撫山西都御史王繼洛議處保甲事宜疏題為酌陳安民救特之要以慰

聖心以隆

聖治事職方清吏司案呈奉本部送兵科抄出提督鴈門

等關兼巡撫山西地方都察院右僉都御史王繼洛
題奉

聖旨兵部知道欽此抄出送司案呈到部看得巡撫山西
右僉都御史王繼洛所陳舉行過保甲緣由開陳七
事中間計處俱已詳明無容別議至於申明鄉約之
會講讀

誥諭之文法制教化一時並舉尤爲革心之要既該都御
史王繼洛具題前來相應通行依擬合候

命下備行王繼洛照依原開欵目嚴責司道有司務要見
之實事不許徒事虛文自取罪究嘉靖四十五年九

月初九日題奉

聖旨這所議還著巡撫官查果有益地方的從宜施行毋得以虛文生擾欽此

覆薊鎮督撫等官劉燾等論罷總兵官胡鎮疏

題爲議處將領以重防秋事職方清吏司案呈奉本部送兵科抄出總督劉遼保定等處軍務兼理糧餉兵部右侍郎兼都察院右僉都御史劉燾題奉

聖旨兵部看了來說欽此又該整飭薊州等處邊備兼巡撫順天等府地方都察院右僉都御史耿隨卿巡按直隸監察御史鮑承蔭吳逢春各題同前事俱奉

聖旨兵部知道欽此欽遵迴抄送司案呈到部看得鎮守
薊州永平山海等處地方總兵官前軍都督府左都
督胡鎮經年卧病整日貪求上負

九重簡任之隆下失一鎮瞻依之望既該督撫巡按巡關
等官劉燾等會題前來時正防秋委當亟爲議處合
候

命下將胡鎮革去都督府銜止以都指揮使職銜回衛閑
住遺下員缺容臣等於所舉官副總兵王孟夏任勇
內再加斟量照例會官推補嘉靖四十五年九月初
九日題奉

楊東坡先生集卷三
聖旨胡鎮先年效有戰功姑著以原職養病去員缺即推補欽此

覆河南撫按官孟養性等條奏撫輯勦捕事宜疏
題爲欽遵

聖諭申飭撫輯勦捕事宜以靖地方事職方清吏司案呈
奉本部送兵科抄出巡撫河南等處地方都察院右
副都御史孟養性巡按河南監察御史李文績題俱
奉

聖旨兵部知道欽此欽此通抄送司案呈到部看得巡撫
河南都御史孟養性巡按御史李文績會題稱備將

本部原行事宜逐一登答前來俱已明悉至於專責
仁以固根本練主兵以免召募議軍餉以備緩急三
事尤本部原議之所未及合就逐一議擬開立前件
上請定奪嘉靖四十五年九月十一日題奉

聖旨依議行欽此

一汝南河南兵備二道看得河南撫按官孟養性等
題稱汝南兵備道兵勇三千在信陽操備精強堪用
無容別議欲將河南兵備道所轄河南等衛所守城
軍舍河南府各州縣團操民壯分別城守聽調名色
數內挑選三千另爲一營總付新設嵩縣叅將統領

操練有警聽調一節除信陽兵勇既稱精強堪用無容別議外合無斟酌所擬備行都御史孟養性等轉行兵備僉事湯彬將所屬河南陝州等處各衛所州縣軍舍民壯嚴加挑選三十名仍聽衛所州縣官隨方操練叅將不時巡操有警調遣截殺其餘守城軍舍民壯不許一槩調以致地方空虚

一南陽守備一查垣歸德守備看得河南撫按官孟養性等題稱河南南陽守備駐劄嵩縣所轄廣遠不能週遍要將守備衙門改設叅將管理河南汝州各衛所軍舍州縣民壯及巡視礦洞籍查毛兵見在任

守備姚應禎改移南陽府屬適中處所駐劄提督南陽衛所巡邏礦洞各一節議已周詳但毛兵與官兵不同遇警方可調用若先籍名在官恐成尾大不掉之患合無斟酌所擬將嵩縣改設叅將一員本部推舉素有謀勇官員前去該縣駐劄除官舍民壯前款已經議明外其毛葫蘆之兵必須實有數報方許會同河南守巡二道一體調發相機勦截本部定擬具任請 勅一道齎赴本官欽遵行事合用 符驗旗牌移咨各該衙門照例處給見任守備姚應禎改移駐劄等項事宜悉聽孟養性等查照原議徑自施行

一汝寧守備看得河南撫按官孟養性等題稱汝寧
守備有將無兵難以緝捕要將本府所屬民壯及汝
寧千戶所軍丁照舊查取三千名聽守備杜繼忠會
同巡捕通判嚴加操練仍聽兵備該道督調截殺一
節無非振揚兵威之意但州縣地方相去府城遠近
不一若使常常團操不惟人情不安亦且事體未安
合無備行巡撫都御史孟養性嚴行該道速將前項
民壯軍丁選定三千名籍記在官止令守備杜繼忠
會同該府巡捕通判不時親詣巡歷往來操練遇有
警報然後合營在上者雖勞在下者不擾方可經久

全在巡撫兵備相機行之

一睢陳兵備看得河南撫按官孟養性等題稱睢陳兵備駐劄陳州所領軍兵無官管攝地隣柘潁所接州縣不相傳報欲要選取指揮假以把總名色令其管兵該道仍會隣境兵備道互相傳捕一節合無依其所擬備行河南撫按衙門轉行兵備僉事董文宋就於歸德睢陳三衛各選委驍勇指揮一員具呈撫按衙門加以把總名色統領前項軍壯各在本處操練本道不時巡操遇警徑自調遣一面通行南直隸山東各巡撫衙門轉行隣近各道嚴督所屬州縣遇

有盜賊生發彼此傳報協力緝捕如敢故違悉聽該道叅呈各該撫按從重治罪

一睢陳叅將看得河南撫按官孟養性等題稱睢陳叅將原統軍兵二千俱各精強欲要將本叅亦聽河南撫按節制一節合無依其所擬將睢陳叅將孫易所管兵馬不分歸德宿州武平等處如遇河南有警悉聽河南撫按衙門調度策應不許推避一面咨行鳳陽巡撫備行徐穎兵備二道一體查照仍候叅將陞遷之日增入勅內以便遵守

一分巡河北道看得河南撫按官孟養性等題稱分

巡河北兵備道所轄馬步城操軍兵分布於各府衛
州縣地方責成於各巡捕通判指揮等官統領操練
堪以防禦無容別議及稱北直隸大名順德廣平三
府所屬邯鄲成安各縣與彰德衛輝境界接連盜賊
流劫欲要比例兼制以便捕攝一節查得大名河北
兵備二道分隸分土各有成規似難又啓爭擾之端
合無斟酌所擬移咨保定巡撫都御史張師載轉行
大名兵備嚴行大名順德廣平三府并所屬邯鄲成
安魏滑肥鄉等縣今後如遇河北地方或盜賊流劫
或詞訟牽連應該河北分巡兵備勾捕者文書到日

限十日以裏連人申解不許仍前占愆如敢故違聽該道徑呈直隸撫按官處從重究治

一涉縣守備有得河南撫按官孟養性等題稱涉縣吳兒峪係在股裏設有巡司巡邏又距磁州分巡相近要將守備改駐河北一節一轉移之間固已得策合無將涉縣守備裴本立改爲河北守備在於衛輝府駐劄原管官軍民壯嚴行各該衛所州縣管操巡捕等官各在本處隨宜操練守備不時巡操果有警報方聽守巡道督調分布相機勦捕本部定擬責任劄付本官欽遵行事合用衙舍既有舊長史司見在

悉如原議徑自施行

一宣武等衛

所一專責任以固根本看得河南撫

官孟養性等

題稱開封府地方闊遠奸宄四集盜賊

淵數要將原

革徽府旗軍六百四十九名并許祥等

州縣民壯四

十七百餘名與宣武等衛正餘軍丁赴

省操練及專

勅副使一員責成管理一節除宣武

衛官軍原住

省城南陽中護衛汝州衛所官軍并許

祥等三十一

州縣馬步民壯分班赴省輪操原係舊

規俱難別議

外合無斟酌所擬將河南按察司清軍

副使加以兼

管兵備職銜請給不坐名

勅書一道不必另給關防行會同掌印管操都司將軍士民壯各另編成一營各委指揮一員統領加以把總名色管理操練務臻實效其已廢徽府旗軍六百四十九名撫按官再加計議應該改入附近何衛何所令其輪班各赴京宣二操方有著落

一見在各兵看得河南撫按官孟養性等題稱宣武陳州等九衛所操軍馬匹俱係各軍自買原無官價及稱要將河南弘農二衛各量備馬五十匹汝州衛補足原革馬七十匹俱僉放實軍丁自行買養一節俱係相沿舊規別無窒碍合無依其所擬備行都司

史孟養性等轉行各該司道督令各該衛所官軍將見在之馬用心覈實應補之馬照數買補無馬者不必增添反成騷擾

一練主兵以免召募看得河南撫按官孟養性等題稱欲將河南各府州縣額設民壯通行查出汰其老弱補以壯丁責令州縣正官操練武官統練府正官督練司道以時閱練一節查與本部近題事理大略相同但綱領雖定節目未詳合無備行都御史孟養性等仍照本部原議遂州逐縣處置停當開坐回奏一議軍餉以備緩急看得河南撫按官孟養性等題

稱欲將先年防秋民之銀四萬二千兩存留本省以
備兵馬糧料之資一以查得該省民兵工食每年徵
銀七萬二千餘兩先以本部議將四萬二千兩解赴
戶部以充薊鎮標兵糧餉不過一時權宜之計既稱
民窮財盡前項額外之徵委常存留以備本處應用
覆順天巡按御史鮑承廕等叅薊鎮隱匿夷情疏
題爲將領隱匿情懇

聖明重加究治以肅邊防事職方清吏司案呈奉本部送
兵科抄出巡按直隸監察御史鮑承廕巡按直隸監
察御史吳逢春題俱奉

聖旨兵部知道欽此欽遵通抄送司案查先爲夷情事奉
本部送該總督前遵保定等處軍務兵部右侍郎劉
燾塘報據古北口副總兵申維岳報稱曹家寨防守
延綏遊擊高如桂營軍士於七月二十六日巳時出
黑谷關外砍採樺木至未時分忽遇步行達子五十
餘名邊外埋伏被瞭高軍哨見隨即收斂與賊對敵
射傷軍士五名達子損傷數名騰山跑走去訖等因
又據遊擊高如桂所報相同除即行該道密訪別無
隱匿情節止因出口採木遇賊敵回去訖等因該本
部看得即目正在防秋前項達賊乃敢潛伏關外不

止邀捉樵採之人明係採我虛實然我另怯合行著
落該道即查各該軍士是否採取樵木被傷軍人是
否止於所報之數有無別項隱匿情弊一面通行十
路副叅遊守等官不分主客各照信地再有遊賊作
何設法擒剿以絕禍端已經通行去後今該前因查
呈到部看得直隸巡按御史鮑承廕巡關御史吳逢
春各題叅延綏入衛遊擊將軍高如桂後軍取木被
虜戕殺隱匿賊情損壞邊備所當重究分守古北口
副總兵申維岳預戒不嚴扶同作弊曹家寨提調曹
煥防閑志怠呈報失期所當罰治各一節爲照即目

秋深薊鎮各路正當萬分戒嚴乃今以採木之故致令三衛屬夷殺虜官軍小敵之屈已成大敵之辱前車之覆當爲後車之戒所據遊擊高如桂隱匿不報其罪更在副總兵申維岳提調曹煥之上既該巡按御史鮑承廕等參論前來相應通行議擬合候

命下將高如桂先行住俸令其戴罪防秋仍咨都察院轉行巡按御史會同巡關御史備行密雲兵備道嚴查是否高如桂私採木植撥軍出口殺虜官軍實有若干有無商同買虜情弊緣何不赴巡按巡關衙門從實開報限十月終旬指名參奏以憑重治申維岳曹

煥先行罰治以示懲戒一面移咨總督侍郎劉燾查照本部原行事理通行十路將領如遇暗伏賊人設法擒斬以申國威不得聽其狂肆以致方來猖獗之患嘉靖四十五年九月十一日題奉

聖旨是高如桂著住了俸戴罪防秋申維岳曹煥各罰俸壹箇月欽此

覆巡撫宣府都御史冀鍊獎勵壯夫保守邊堡疏題為懇乞

聖恩崇獎義烈以勵人心事職方清吏司案呈奉本部送兵科抄出巡撫宣府等處地方贊理軍務都察院右

僉都御史蘇鍊題奉

聖旨兵部知道欽此欽遵抄出送司卷查嘉靖三十八年
十二月內該總督宣大右副都御史張松題爲據憑
忠飭邊備以防虜患以安重鎮事內一款乞獎忠勇
以激勵人心內稱虜賊侵犯蔚州天照幢堡壯夫龐
鐸捐貲率衆力抗強胡一堡卒賴保全功甚可嘉本
部議將龐鐸授以冠帶總旗就註蔚州衛所仍令管
理本堡覆顯奉

聖旨俱依議欽此又查得嘉靖四十二年十一月內爲斬
獲達賊首級事據三河縣張家庄馬房居住軍人陳

未福粟稱虛賊至莊未福領家下人丁與賊對敵未福爲首陳倉陳樂陳連爲從共斬首三顆本部議將陳未福陞三級爲從陳倉等各賞銀五兩覆題節奉聖旨是欽此俱經通行欽遵去後今該前因通查案呈到部看得巡撫宣府右僉都御史冀鍊題稱七月初一日虜賊三萬由西路入犯小堡壯夫纏道坡趙福韓堂南九場張伏玉武勝第四屯張斌馬尚仁辛莊堡劉玄張武蕭家砦王尚忠許廷淮煖店堡沈堂立石溝武河西南廉施忠北九場李紀或馮城擊虜或出堡追賊雖經會賞猶宜敘錄西辛莊壯夫李愷挽孤

摧虜斬首斃屍雖已給賞猶應優錄奇兵營旌牌趙雲鶴妻陳氏慟夫戰殞掩尸自經雖經存恤亦應表錄要將李愷先給冠帶充名色把總候再有功即以實授趙福等量給冠帶榮身各管本堡陳氏准爲旌表以揚義烈各一節除陳氏移咨禮部徑自議覆外爲照壯夫李愷身被則數十鎗手刃則七八虜勇冠一時聲揚五路較之蔚州麗鐸不啻過之若止給冠帶似猶未盡其報係于激勸相應亟行議擬合候命下將李愷授以署所鎮撫之職准充坐堡名色仍提調本堡稍候防守畢日地方無事遇有相應員缺酌量

推用趙福韓堂張公玉武勝張斌馬尚仁劉玄張武
王尚忠許廷淮沈崇武河施忠李紀各給冠帶榮身
趙雲鶴巡撫衙門先給棺殮銀十兩以示優異嘉靖
四十五年九月十四日題奉

聖旨是欽此

覆宣大總督尚書趙炳然責成三鎮守臣戰守疏
題爲達賊擁衆臨邊懇乞

天恩申飭邊臣極加防禦事職方清吏司案呈奉本部送
准總督宣大山西等處地方軍務兼理糧餉兵部尚
書兼都察院右都御史趙炳然揭帖前事等因到部

送司案呈到部看得時已深秋虜蹤未定在宣府一
鎮切隣畿甸固當戒嚴在山西大同二鎮密邇窮虜
尤難弛備所據一切戰守事宜總督尚書趙炳然丁
寧分布俱已周詳但以身在懷來相去三鎮頗遠惟
恐鎮巡等官不肯悉心思慮預防故有此議伏望

皇上嚴飭大同總兵官孫吳巡撫都御史張志孝山西總
兵官董一奎巡撫都御史王繼洛宣府總兵官馬芳
巡撫都御史龔錫各照軍門方略同心一德虜未入
則多方以伐其謀虜果入則力戰以決其勝應固守
者固守必使毫毛無失應應援者應援必使時刻不

爽以時月論之九月十月最爲喫緊而閏十月次之
以地方論之南山爲重山西宣大即次之如敢互分
彼此致悞事機聽總督趙炳然遵照原奉

明旨指名叅治嘉靖四十五年九月十四日題奉

聖旨是著各該鎮巡官協心相機戰守保固地方不許違
悞欽此

覆浙直總督侍郎劉畿條陳職守事宜疏

題爲條陳總督事宜懇乞

聖明特賜申飭嚴武備以弭寇患事職方清吏司案呈奉
本部送兵科抄出總督浙直江西軍務兼巡撫浙江

地方兵部右侍郎兼都察院右僉都御史劉畿題奉
聖旨兵部看了來說欽此欽遵抄出送司案呈到部看得
總督浙直江西軍務兵部右侍郎劉畿所陳五事無
非曰嚴職守之意合就開列前件議擬上請定奪嘉
靖四十五年九月二十六日題奉

旨依議行欽此

一明職掌以便督責查得本官職任原係總督南直
隸江西全省非止徽饒二府但其所專者在於山寇
至於江寇海寇絕不相干合無斟酌所擬通行直隸
江西各巡撫衙門轉行三司兵備守巡總副叅遊守

把等官以後地方遇有山寇及事干軍餉者俱要申
呈總督衙門聽候勅補料理如敢仍前怠忽耽延隱
匿不報應參應究悉聽劉畿徑自施行

一練精銳以裨實用查得本官責任雖專在山寇軍
旅之事委當預聞合無依其所擬備行直隸江西巡
撫衙門各將府州縣衛所總副叅遊大小將領所統
官兵軍兵責令司道兵備官員各將見在水兵陸兵
土著召募實在數目逐一查勘分別勇怯老弱等第
俱聽劉畿公同巡撫從公檢閱務要照依地方險易
道里遠近應添應減一清補責委知兵將官統領

操練必使陸兵水兵各得實用合用糧餉巡撫官徑
自查處果有不肯奉行者不分文武官員悉聽劉畿
應究處者究處應奏者奏

一嚴保甲以清盜源查得保甲之法節經言官建白
本部覆議極爲詳悉合無依其所擬備行劉畿轉行
直隸江西并浙江各府州縣衛所掌印巡捕官員查
照先今事理從實舉行但須合於民情宜於土俗不
致騷擾方爲上策

一革冒濫以重名器一節甚爲有理合無依其所擬
備行劉畿轉行南直隸江西及福建兩廣有事地方

以後軍門委用名色把總務要十分慎選須謀勇兼優爲衆所服者方可給創立有軍功照例陞授其人
不許擅用金帶黃傘扛擡大轎以滋冒濫之弊違者
聽各該巡按御史訪拏究問

一禁妄派以蘇民困蓋有鑒於前人之弊痛自振刷
深於窮民有益合無依其所擬備行劉畿轉行南直
隸江西二省各府州縣有司官員通將一應舊例供
應銀兩出示曉諭悉行停革若遇有警應調官軍例
用賞勞銀兩所在官司查將總督贓罰照數開報申
介之後即行支給不敷之數許將別項贓贖從便申

支不許妄加科派肆意侵剋違者聽劉畿與省撫

按官徑自究論

覆給事中舒化湖廣川貴撫按官計處各山寇

善後事宜疏

題爲土寇已平懇乞

聖明廣恩速處以靖地方事職方清吏司案呈奉本部送

兵科抄出戶科給事中舒化題奉

聖旨兵部看了來說欽此又該巡撫四川等處地方都察

院右副都御史譚綸巡按四川監察御史李廷龍俱

題爲議設兵備官員以圖善後事奉

聖旨該部知道欽此又該巡撫陝西地方都察院右副都御史暫管原任巡撫湖廣事谷中虛巡按湖廣監察御史陳省俱題為議處善後事宜以圖久靖地方事
巡按四川監察御史李廷龍題為逋寇復據山寨漸逞異圖乞 勅兩省撫臣亟為協心計處以安邊境
事俱奉

聖旨兵部知道欽此又該巡撫貴州兼督湖北川東等處地方提督軍務都察院右副都御史陳洪濛揭帖為覈功罪議添設以圖全蜀善後事巡撫陝西地方都察院右副都御史暫管原任巡撫湖廣事谷中虛揭

帖爲地方事等因通送到司案呈到部看得戶科給事中舒化四川撫按官譚綸李廷龍湖廣撫按官谷中虛陳省貴州巡撫陳洪濠前後六疏二揭不下數千餘言大率皆爲土寇黃中而發中間舒化所陳反復辨析尤爲折中之論蓋身在功罪之外者其言公而平身在功罪之內者其言私而曲臣等逐一叅詳惟知申明國是安輯人心爲主不敢過爲偏護以傷政體合候

命下將川貴總督不必復設仍令貴州巡撫都御史照舊駐劄貴州省城兼制四川湖廣原管地方施州見設

兵備專屬湖廣撫按考覈仍聽川貴巡撫四川巡按
節制荊州見設巡捕通判改於夔州府列銜重夔二
府分為上下川東二道整飭下川東道兵備副使即
兼分巡仍駐達州專轄夔州府衛州縣并石砭土司
分巡上川東道僉事即兼兵備專轄重慶府衛州縣
并播州酉陽等土司各給勅書一道欽遵行事分
守叅議駐劄涪州比照江西湖東道分守事理請給
勅書一道兼理本州并忠州長壽墊江南川鄧都彭水武
隆黔江九州縣刑名甲兵之事黃中先已處決餘黨
近已安插不拘黃中妻子弟姪并其黨與悉免治罪

以慰小夷以全大信川湖二省一主於撫一主於勦
彼此相資原未相背聽巡撫都御史譚綱楊豫孫查
照先今事理會同各該巡按御史從實體勘具由回
奏不宜輕信司屬懷私牽制過為低昂主於湖廣所
奏善後事宜合就開立前件一併上請伏乞

聖明俯賜裁定

勅下遵行嘉靖四十五年九月二十六日題奉

聖旨依議行欽此

一移守備看得湖廣撫按官谷中虛等欲將施州守
備移住南坪部兵築城以示控制及兼轄雲奉萬三

縣與石砭土司寨堡之在南岸者一節宜與四川撫按官譚綸等所奏大略相同合無備行都御史楊豫孫轉行兵備僉事李堯德將施州守備令其前去南坪堡駐劄仍往來原管衛所督責操備應修城池應帶官兵應用公廨廩糧等件悉照原議徑自查處其雲奉萬三縣與南岸土司各寨民夷悉聽本官鈐制敢有抗違徑自處治仍聽兵備衙門節制調度本部請給勅書一道明白開載以便遵守其見任守備湯世傑是否堪任亦要從實咨部以憑另議

一改屯所看得湖廣撫按官谷中虛等欲將支羅新

舊二屯不改爲百戶所撥軍守禦給田屯種分扼險要
杜絕竄竄一節合無依其所擬備行都御史楊豫孫
轉行叅事李堯德將支羅新舊二寨改作守禦百戶
所合川官軍就行施州衛三千戶所內摘發前去以
便彈壓應用官廨營房及給軍田土悉如原擬施行
一撤以軍看得湖廣撫按官谷中虛等欲將施州衛
原撥輜戍靖州官軍二百三十三員名撤回防守就
將銅鼓五關等衛所軍士就近撥補一節一舉兩便
合無依其所擬備行都御史楊豫孫一面將施州衛
戍守靖州官軍盡數撤回聽兵備僉事李堯德分布

防守一面將銅鼓五開新化城步天柱汶溪等衛所
軍士徑自撥補共圖保障

一禁讐兵看得湖廣撫按官谷中虛等大略謂支羅
地方界在荊州之次即今四川南岸各寨頭人聚結
讐兵輒與慈洞溝安插夷民報復劫殺并劫指揮孫
繼芳行李綁捉軍人張廷雲上寨欲於川東衛選委
能幹指揮坐鎮各寨頭人不許動兵讐殺一節查與
御史李廷龍所奏大略相同臣等竊計夷民之讐殺
起於田土之交侵田土之侵奪由於處置之未當合
無斟酌所擬備行都御史楊豫孫譚綸各就近選委

府佐官一員前去支羅交界處所聽李光德親詣督率通於火焰山等寨地方逐一踏視要見某屬三縣某屬石砭某屬支羅施州講求端的埋立灰牌豎刻字號永絕等端一面於川東衛選委指揮三員分鎮雲萬石砭各寨支羅一帶地方就聽新移守備坐鎮仍明白曉諭各寨土民與新撫夷民今後各要安分樂業不許仍行讐陷自取身家之禍一面將刼掠指揮孫繼芳綁縛軍人張廷雲與搶奪賊首單正綉等項情由先行追究明白嚴加懲治以示後戒

覆宣大總督尚書趙炳然報虜謀犯薊鎮隄備疏

題爲哨報緊急聲息事職方清吏司案呈奉本部送准
總督宣大山西等處地方軍務兼理糧餉兵部尚書
兼都察院右都御史趙炳然揭帖前事等因到部送
司查得先准總督尚書趙炳然揭帖爲達賊擁衆臨
邊懇乞

天恩申飭邊臣等事已經本部即時議覆又該本官具題
見奉

明旨兵部便看了來說欽此欽遵查係一事相應一併回
奏案呈到部看得總督尚書趙炳然今報虜情既稱
要搶薊鎮地方又稱要在宣府報讐謫詐之情雖忽

忽未定所據薊昌二鎮腹心重地比之宣大山西尤
爲不同相應一體嚴備合候

命下備咨趙炳然嚴行獨石叅將袁世械差人遠哨賊虜
果有東向白草川三間房蹤跡星飛報部不許遲緩
如果止犯宣府地方第一謹守南山其次則分防北
中西三路務保萬全本部一面通行薊遼總督侍郎
劉燾總兵官王孟夏劉漢巡撫都御史耿隨卿即將
所屬古北等處十路益加固守并將應該應援之兵
悉停工作蓄精養銳以備截勦鎮巡兵備副叅遊守
等官不分主客如敢玩愒誤事悉聽劉燾遵照原奉

明旨指名叅究嘉靖四十五年九月二十六日題奉

聖旨是欽此

覆倭巡撫南贛都御史吳百朋討平下歷賊巢疏

題爲官兵血戰搗平稱王逆賊堅巢飛報捷音事職方

清吏司案呈奉本部送兵科抄出巡撫南贛汀漳等

處地方提督軍務都察院右副都御史吳百朋題奉

聖旨兵部知道欽此欽遵抄出送司卷查先該巡撫南贛

都御史吳百朋題爲乞勦逆賊稱王急救地方大患

事本部議擬馬上差人移文吳百朋督同叅將蔡汝

蘭叅政蔡文李佑等或勦或撫相度機宜務中肯綮

如果削平一巢或三巢悉平善後事宜應該作何處
置列款具奏務爲經久之計有功效勞人員候巡按
御史覈勘至日容臣等酌量具題恭候

宸斷等因覆題奉

聖旨是欽此已經通行欽遵去後今該前因查呈到部看
得巡撫南贛都御史吳百朋題稱下歷賊首賴清規
等依憑險阻僭擬稱王今被各官分統大兵直搗巢
穴擒獲賴清規蕭桂鸞等三千一百四十三名顆百
年狡窟焚勦無遺乃稱分巡嶺北道右叅政兼副使
李佑分守嶺北道右叅政蔡文分守南贛叅將蔡汝

蘭管安遠縣事同知李多祚所當破格超擢南贛坐
營王汝澄等六員贛州府知府黃衷同知趙時齊管
龍南縣事同知龔有成推官蔡民望所當陞賞分巡
湖西道僉事毛汝麒南安府知府吳炳庶信豐縣知
縣陳瀾贛縣知縣朱孔陽萬安縣知縣劉繼文所當
厚加賞賚并稱已獲自盡賊首賴清規生擒蕭祥鸞
攻城殺人罪同叛逆欲將賴清規剖棺剝屍蕭祥鸞
等處決凌遲梟示各一節爲照逆賊賴清規等雄據
一方流毒三省稱王僭號罪大惡極各該文武官員
乃能制勝出奇深入虎穴擒斬之數多至三千有奇

燒焚者不計其數各官之勞固為可嘉提督之功尤
當稱首係于激勸相應亟行議擬合候

命下將吳百朋先行

賜勅獎勵仍出格賞咨李佑蔡文蔡汝蘭李多祚重加賞
資其餘有功效勞人員聽吳百朋動支官銀分別獎
賞仍咨都察院轉行江西巡按御史再加查勘要見
某官功多仍該陞錄某官功少止該賞勞某官功罪
相當應該准贖某官罪浮於功應該究治并但係隨
征官軍不拘大小通行勘報以憑議處一面移咨吳
百朋先將見獲賊人蕭祥鸞等會同巡按御史覆審

無異即行處決內爲首者仍與賴清規一體剉屍梟示以示懲戒一面將岑岡高沙二巢應撫應勦徑自相機施行一面將善後事宜從長計議列款具奏嘉靖四十五年九月二十七日題奉

聖旨是矣百朋先賞銀四十兩紵絲二表裡李佑等各二十兩一表裡有功人員巡按御史作速查勘具奏蕭祥鸞等著便會官處決內爲首的仍同賴清規剉屍梟示欽此

覆議福建廣東各該總兵官鎮守地方疏

題爲乞留大將專鎮全閩以裨安攘事職方清吏司案

呈奉本部送兵科抄出提督軍務兼巡撫福建地方
都察院右僉都御史塗澤民巡按福建監察御史胡
維新題又該廣東惠潮二府舉監生員馬朝用等奏
爲懇乞 天恩勅賊救民事又該廣東潮州府揭陽
等縣民陳光前等奏爲叛賊殘害地方懇乞

天恩亟賜及時勦滅以救生命事俱奉

聖旨兵部知道欽此欽遵通抄到部送司查得正統十四
年十一月廣東盜賊黃蕭養作亂

欽命都督同知董興充左副總兵鎮守廣東與同巡撫都
御史楊信民討之至景泰三年爲因董興玩寇殃民

降作爲事官隨軍殺賊以署都督僉事翁信代任鎮
守通查案呈到部看得福建撫按官都御史塗澤民
御史胡維新會題前因大率謂總兵官戚繼光奉

旨兼管廣東惠潮二府併仲威營征勦廣寇吳平今已平
靖一將兼管二省顧理不周乞要將戚繼光專回福
建鎮守復設仲威營總兵官或於廣東地方專設大
將附麗撫臣同心共事各一節爲照福建總兵官戚
繼光兼管惠潮二府併仲威營本出一時權宜之計
今吳平之黨既漸漸滅廣澳之警又復發作戚繼光
委當專鎮福建無容別議但惟廣東地方自逆璉作

孽以來海寇風汛猶爲有時至於州縣山寇狼窟巢穴無處無之即觀揭陽等縣舉監人等陳奏之詞連編累牘讀之令人酸楚雖嘗設有伸威營總兵官又以南贛牽制事權不專况廣東總兵原有正統年間舊例非關創始相應復設無疑合候

下行令嚴繼光遵照原奉

書專一欽守福興泉漳建邵汀福寧金溫等處地方會同都御史塗澤民一面將廣海之寇作速勦除一面將各該土兵多方訓練以爲地方經久之計其惠潮并伸威營事務不必兼管本部仍照董興等事例

於廣東復設總兵官一員容臣等會官推舉請

旨簡用請給勅書符驗旗牌鑄給關防令其鎮守廣東

地方與同新設巡撫都御史會同行事聽總督節制

居常駐劄潮州統領伸威營原遺官立操練如遇山

海別警調集通省官軍相機勦捕叅將守備并都司

軍衛以下官員悉聽節制未盡兵甲事宜聽其以次

經理應具奏者另行具奏再照南贛都御史原奉

勅諭巡撫江西南安贛州福建汀州漳州廣東南雄韶州

惠州潮州各府及湖廣郴州地方提督軍務即今福

建廣東巡撫並設惠潮漳州三府海寇爲多應還二

處巡撫南安贛州雋雄韶州汀州并湖廣郴州仰聽
南贛巡撫照舊管理庶山寇海寇各有專責不致互
相推避均乞

聖明俯賜裁定嘉靖四十五年九月二十日題奉

聖旨是欽此

覆巡視東關御史吳逢春申嚴守牆軍士約束疏
題爲嚴信地申紀律以勵人心以安重鎮事職方清吏
司案呈奉本部送兵科抄出巡按直隸監察御史吳
逢春題奉

聖旨兵部知道欽此欽遵抄出送司案呈到部看得巡按

直隸監察御史吳逢春具題前因大率謂薊鎮邊牆延險聲勢難以速達要將守牆軍士申明號令傳籌緊守不許睡遯各取隊長甘結呈部查考有事重處鎮巡衙門不時差人稽察軍士堵截有功論擬陞賞各一節爲照薊鎮地方外連虜營內拱畿甸腹心重地委當慎固封守既該巡關御史吳逢春具題前來深中肯綮相應通行依擬合候

命下移咨總督劉燾嚴行鎮巡等官備行十路兵備將領通將守牆軍士申明號令遇有哨探聲息晝則挨牌夜則傳籌用心緊守不許貪睡私遯致悞軍機一面

將各隊五十名內取一連名甘結呈報該管兵備事
呈督撫及巡關衙門查考一面責令該道公同本管
將官不時查點分別勤惰如果容隱疎失按地治罪
果能奮勇堵截使虜一騎不得突入秋防畢日該管
將領與守口官軍聽軍門查勘明白功大者陞級功
次者重賞以示激勸嘉靖四十五年十月初二日題
奉

聖旨是欽此

覆巡撫大同都御史張志孝議處保甲事宜疏
題爲酌陳安民救時之要以慰

聖心以隆

聖治事職方清吏司案呈奉本部送兵科抄出巡撫大同
地方贊理軍務都察院右僉都御史張志孝題奉

聖旨兵部知道欽此欽遵抄出送司案呈到部看得大同
地方邊境延長人情奢靡舉行保甲比之腹裏尤爲
契緊所據巡撫都御史張志孝條陳五事分別城內
城外堡大堡小雖為盜賊實關戰守相應通行依擬
合候

命下備行張志孝照依原開款目嚴責各該司道軍衛有
司官員務要一一見之行事以臻實效不許徒為文

具反成騷擾嘉靖四十五年十月初四日題奉

聖旨依議行欽此

覆浙直總督侍郎劉繼等計處徵饒兵備兵餉疏
題爲欽奉

明旨議處善後事宜以安三省地方事職方清吏司案呈
奉本部送兵科抄出總督浙直江西軍務兼巡撫浙
江地方兵部右侍郎兼都察院右僉都御史劉繼巡
按浙江監察御史龐尚鵬總理糧儲提督軍務兼巡
撫應天等府地方都察院右副都御史謝登之巡按
直隸監察御史宋纁各題奉

聖旨兵部知道欽此通抄送司卷查先該浙直撫按等官
都御史劉畿等題該本部議行總督劉畿權將標下
義烏官兵分撥三總責成部司陳大成帶領前去衢
州駐劄防禦并行應天江西撫按等官會計兵食奉
聖旨是欽此已經通行去後今該前因奪主到部看得總
督浙直江西軍務侍郎劉畿巡撫應天都御史謝登
之巡按浙江監察御史顧尚鵬巡按直隸監察御史
宋纁各具題大率謂徽越嚴衢兵備道應用兵食在
饒州自有本等餉費金在平應與衢嚴相等徽州亦止
一府委難均派欲將都司陳大成量改職銜統領官

兵專駐衢州年額兵餉均派徽金衢嚴四府饒州免
派海防缺兵另行選補在謝登之等又欲將徽州兵
餉以見徵海防銀兩扣留抵用仍要選募民壯一千
并選軍舍三百各委官分駐操練原議堡城不必建
築各一節為照各官所議雖詳略不同要之皆為新
設兵備善後之計但中間扣留松江兵餉未見處補
明白倭信未息誠恐顧此失彼相應一併議擬合候
命下將陳大成仍以原職改為總捕都司令其統領三總
官兵專駐衢州分布防禦遇有礦寇出沒公同兵備
該道調度勦捕本部另擬責任劄付本官欽遵行事

其海防缺兵另行選補一面移咨總督侍郎劉畿巡撫都御史謝登之會同巡按御史宋纁將該道年額兵餉於徽金嚴衢四府均派饒州一府免其出辦徽州應辦兵餉除婺源免徵一年外其餘協濟松江銀兩四十五年盡留支用以後年分土扣該府應派之數其松江兵餉既欲扣留不知應於何項處補或沙汰冗兵以減糜費應天撫按作速議報至於選募民壯摘撥軍舍委官分練應援饒廣并徽州堡城不必建築等項事宜悉如今議徑自施行嘉靖四十五年十月初五日題奉

聖旨是欽此

覆山東撫按官霍冀等請勅魯王退還護衛軍疏
題爲陳末議以裨治事職方清吏司案呈奉本部送
禮科抄出巡撫山東等處地方兼督理營田戶部右
侍郎兼都察院右僉都御史霍冀巡按山東監察御
史韓君恩題俱奉

聖旨該部知道欽此欽此通抄送司案呈到部看得巡撫
山東右侍郎霍冀按山東監察御史韓君恩各題
稱勘議得山東魚府護衛軍餘原奉

欽依止留二千其餘軍丁改建任城衛徑隸都司統轄通

來宗室生齒日繁上役軍從過多以致衛名徒存軍伍久廢欲要

賜勅魯王嚴諭各宗將得八占授充軍從盡行退回守巡該道將該衛見在軍丁及退回軍從查明造冊撥補運糧操守敢有不行首正及撥置奏擾者俱行拏問干碍輔導等官一併照沿并將原任巡撫曾都御史所題之例悉為停寢各一節為照 曾府護衛軍餘除欽依存留二千名外其餘俱該任城衛收充正軍係干兵制各該宗室豈容任意恠占至於例前例後乃先任巡撫一時遷就之說殊為不通既該撫按官議題前

來俱已穩安相應通行依擬合候

命下移咨禮部轉行翰林院撰勅一道頒給

曾王嚴諭各宗今後務要遵照

明旨安分守法通將役占收授軍從盡數退回任城衛常
差如或仍前占恡國典具存自難輕貸仍咨巡撫
山東都御史洪朝選會同巡按御史徐大壯一向督
同東兗守巡二道出給簡明告示以前私自授充軍
從人等俱許赴官首正免其治罪一面將該衛見在
軍舍餘丁及退回軍從通查明白備造花名文冊三
本一留本處備照一本謝奏一本送部查考一面行

令所屬問刑衙門以後凡有問擬無力徒犯俱解赴
曾府長史司照依弘治五年刑部題准宗室品級從夫
名數撥給跟用限滿釋放願納僧者聽從其便每月
照例三錢不許多索刁難如徒夫撥盡挨次聽撥其
嘉靖二十二年巡撫所題事例徑行停寢以絕弊端
嘉靖四十五年十月初八日題奉

聖旨是欽此

覆陝西總督侍郎陳其學條陳邊務疏

題爲酌時宜陳末議以裨邊防事職方清吏司案呈奉
本部送戶科抄出總督陝西三邊軍務兵部左侍郎

兼都察院右僉都御史陳其學題奉

聖旨該部知道欽此抄出送司案呈到部看得總督陝西
三邊軍務左侍郎陳其學所陳五事均係戰守要務
合就開立前件議擬上請定奪嘉靖四十五年十月
十七日題奉

聖旨依議行欽此

一清逃亡以實軍伍大率欲將陝西四鎮逃亡軍士
盡數查出分別造冊西延慶漢四府布政司官清解
平鳳臨鞏四府按察司官清解隔別異省者巡撫造
冊兵部發單清勾分任責成事自有濟合無依其所

水軍...
擬備行陳其學轉行巡撫都御史戴才王遴王崇古
石茂華各將逃亡軍數備查原籍來歷及府州縣衛
所里社名開造文冊係本省者責成布按清軍官分
按清解係別省者本部照冊發單清勾至於禁革將
領衛所之科擾稽查二司清軍之分數正係軍門職
務悉聽陳其學徑自施行務臻實效

一補戰馬以備緩急大率謂全陝衛所額徵椿朋地
畝銀兩專備買補馬匹近來侵隱弊多追徵不前以
致戰馬缺乏要將四十年以前拖欠者通行免徵四
十年至四十五年以上逐年挨查完欠侵隱四十六

以後及時徵完備用仍呈允軍門方許動支置立循環稽考完欠旌別勤惰殊於馬政有益合無備行本官通行各寺道將全陝各該衛所額徵椿朋地畝銀兩應免者准與豁免應查應徵者嚴行清查催解其呈允支用及置設循環稽考旌別等項事宜悉如所擬徑自施行

一責修築以圖保障大率欲將延慶寧固蘭河洮岷甘涼等處邊腹城堡軍民窩審責成守巡兵備軍衛有司官員踏勘修築及處置城守壯夫軍火器械查與延綏巡撫近日所奏大略相同合無依其所擬備

行陳其學會行巡撫都御史戴才王遴王崇古石茂
華各將隣邊腹裏城堡墩臺寨堡等項責令守巡兵
備各道嚴督各該軍衛有司掌印等官各照所管地
方踏勘估計應拆修者拆修應幫修者幫修應併修
者併修應增修者增修合用錢糧人力俱聽巡撫隨
宜處給務期高厚堅固足堪保障至於兵火器械尤
要多方計處足備應用事完造冊送部查考如司道
官不行督催掌印官不行督理止以虛文塞責以後
地方失事悉聽督撫衙門查叅究治

一移援兵以預堵截大率欲將固原入衛下班遊兵

一枝每歲防秋移駐保安縣界走馬城遇有東西
隨賊應援事在間外本部自難遙制合無備行陳其
學會同巡撫都御史戴才每年防秋之時將入衛下
班遊兵查照原議徑自移駐應用行糧料草早為處
備毋致臨期缺悞

一議使過以資委用太率欲將督屬將官犯該軍罪
充發別省才勇著名情罪稍輕者取回原衛仍充軍
役隨宜委用無非因其地利人情便於使過之意合
無斟酌所擬備行陳其學將督屬以前軍職見充別
省軍犯查果素著謀勇者移咨各該巡撫取至軍門

令其仍以見充衛所軍人戴罪殺賊不往改回原衛
其饒死充軍并律該遷徙例發烟瘴二項情罪深重
亦不許一槩混取致乖法典

覆都給事中等官歐陽一敬等叅雲南鎮巡官沐
朝弼等武定府失機及議陣亡僉事張澤卹典疏
題爲稔惡鎮臣抗違 明旨致地方失事重大懇乞

聖明亟賜議處以杜禍端以靖遐方事職方清吏司案呈
奉本部送兵科抄出兵科都給事中歐陽一敬等題
前事又該巡按雲南監察御史劉思問題爲逆賊拒
敵執殺方面等官懇乞

聖明嚴究鎮巡諸臣速行勦滅以伸國法以安地方事
巡撫雲南等處地方兼督理軍務兵部尚書兼都察
院右都御史呂光洵題爲仰仗

天威勦逐逆酋保全邊城蕩焚山寨撫安夷民事鎮守雲
南總兵官征南將軍黔國公沐朝弼題同前事又該
本官題爲自陳地方未靖懇乞

天恩姑容戴罪以圖後效事俱奉

聖旨兵部知道欽此又該尚書呂光洵揭爲自陳不職乞
賜罷斥以安邊徼事等因到部通送到司卷查近該巡按
雲南監察御史劉思問雲南撫鎮官尚書呂光洵等

各題俱稱土酋鳳繼祖聚衆刦殺謀據郡城乞行川
貴撫鎮衙門速發重兵夾勦該本部議擬覆奉

聖旨是征勦重務著鎮巡官協心幹理以靖地方如敢以
小嫌致妨大計重罪不饒欽此又查得嘉靖三十年七
月內該鎮守雲南總兵官沐朝弼題稱已故雲南左
布政使徐樾慷慨殺身勇往濱死忠義可嘉特乞

天恩贈官錄蔭以表忠義該吏部題奉

聖旨徐樾准贈光祿卿蔭一子送監讀書欽此俱經欽遵
通行去後今該前因通查案呈到部看得兵科都給
事中歐陽一敬等雲南撫鎮巡按官尚書呂光洵等

各將前因大率皆爲土酋鳳繼祖攻陷武定府城
池賊殺方面官員兇殘已極即今逃入川東地方爲
謀叵測在歐陽一敬等則稱沐朝弼稔積惡狀殊不
恩會勦而調遣不時豈得無意失事而支吾多術是誠
何心抗明旨而誤軍機大無人臣之禮懷小嫌以
妨大計深有禍心之藏雖屬議功名例合從取

定奪呂光洵動大兵而不詣主帥殊昧事體征土寇而
致戕憲臣重損國威可刼非有制之兵臨期豈易
將之會謀猷之忙何存踈虞之罪奚追乞將沐朝弼
革去官爵同呂光洵戴罪併力勦賊仍將所論朝弼

事情嚴行巡按御史從實查勘在劉思問則稱沐朝弼呂光洵掌印都司徐高監軍叅政盧岐疑副使張天復楊守魯守備王存孝指揮千鳳朝通判周良卿千戶諸愛指揮趙瓊通判胡文顯均爲失事及稱僉事張澤以死勤事知事高心千戶劉裕李躬行百戶李鰲等皆亡于陣統乞照例優錄仍要嚴行雲南鎮巡官刻期勦賊併勅四川巡撫各道禁緝上司互擒逆酋在呂光洵則稱要行川貴撫鎮衙門嚴督各道兵備速調土官併力夾勦切禁水西土司不得來覈助逆及自稱調度無術疎虞難追乞要罷黜在沐

朝弼則自稱地方未靖乞寬法斧容令戴罪收功桑榆各一節爲照土酋鳳繼祖雖稱逃去四川非是畏我兵威寔是糾彼夷黨仍圖狂悖一道臬臣被其屠戮損威傷重日下之事已可駭愕二省土民聽其扇惑禍結兵連日後之事東甯書畫所據總兵官沐朝弼屢違

明旨肆意欺公禍心之包藏固難必於逆料禍端之發作寔由徵調稽遲巡撫尚書呂光洵新承贊理之

命夙負匡濟之才臨敵而易偏將固已爲失策孤軍而使深入尤爲寡筭兵科首歸罪於總兵次及巡撫巡按

則兼論鎮巡二臣之罪均爲有據但今逆賊未滅正
在用人之際相應與僉事張澤等通行議擬合候
命下將總兵官沐朝弼巡撫呂光洵都司徐高叅政盧岐
疑副使張天復楊守魯俱住祿俸令其戴罪殺賊賊
平之日另行酌議守備王存孝等六員聽巡按御史
先行提問從重治罪仍將朝弼奏內所犯事情嚴行
查勘通候賊平之日從實回奏以憑請

旨處置本部一面備行沐朝弼呂光洵查照先今

欽依事理各略小嫌同懷大計嚴督監督等官各統調來
各土官舍多方攻勦務將鳳繼祖并幫助首惡之逆

逐一擒獲以正法典一面備行川貴撫鎮衙門分行
敘瀘建昌畢節三道兵備速調建昌衛土官指揮鳳
氏會川衛土官指揮撒和東川府土婦寧著及會里
等州各土官舍併力夾勦水西土司不許乘機助逆
自取夷滅張澤照依布政使徐樾事例

特贈一官仍蔭一子入監讀書巡撫衙門處給棺殮銀四
十兩給驛送還其喪其餘陣亡官員高心劉裕李躬
行李鰲等勘至之日另行錄敘地方大小官員敢有
透露軍情為賊耳目者不分總兵叅守撫按官體訪
真實指名叅究置諸重典但恩威出自

朝廷嘉靖四十五年十月二十一日題奉

聖旨是沐朝弼呂光洵并徐高等都著住了祿俸戴罪殺賊朝弼光洵尤須協心督調速靖地方如仍敢異同誤事重治不宥王存孝等巡按御史提問具奏張澤贈光祿寺少卿其餘依擬行欽此

駁真定巡按御史黃襄論宣大總督戰功不實疏題爲申明奏報之規以覈功實以圖實效事職方清吏司案呈奉本部送兵科抄出巡按直隸監察御史黃襄題又該總督宣大山西等處地方軍務兼理糧餉兵部尚書兼都察院右都御史趙炳然題爲懇乞

聖慈明公論肅紀綱以鼓舞人心振起邊務事俱奉

聖旨兵部知道欽此欽遵通抄送司卷查嘉靖四十五年
六月內為防秋屆期懇乞申勅當事臣工竭誠悉慮
固本源以昭安撫事該兵科署科事左給事中馮成
能等題稱申飭防秋條目去貪殘倡勇敢一軍心行
賞罰數事該本部議擬以後地方有功除照常覈勘
外果有奇功在人耳目別無可疑者督撫奏到容臣
等即時覆奏厚加陞賞以示優異覆題奉

聖旨是欽此又查得本年七月內為大舉邊賊非時入犯
疊被官軍奮勇擊逐甄別功罪以示勸懲以勵邊將

事該總督宣大山西軍務尚書趙炳然等題稱七月初一日達賊三萬餘騎從宣府膳房堡進入分犯丁寧水峪口等處官軍獲功失事緣由本部覆題奉

聖旨是趙炳然賞銀五十兩紵絲四表裡馬步四十兩冀鍊三十兩各二表裡補於漢解生各三十兩一表裡焦澤等各二十兩董奎等各十兩黑雲龍罰俸一箇月其餘依擬應查勘分別的著巡按御史上緊具奏欽此又查得本年九月內爲申明禦邊要議以防深秋事該兵科都給事中歐陽一敬等題稱勘覈功罪本部議擬備行宣大巡按御史先將宣府岢嵐等處作速

查勘文書到日通限十月以裏具實回奏覆題奉

聖旨依擬行欽此俱經通行欽遵去後今該前因查呈到部臣等看得封疆之臣各有職守

朝廷之上當明賞罰即如南北各邊總督除本銜外仍兼都察院副都御史或僉都御史巡撫則專用副都御史或僉都御史正以其職司風紀文武將吏咸得而糾正之若使止其後虜出入日期不與功罪未免威權漸輕人心怠玩御史昔襄徵於各邊舊事不勝奮激創爲此論固是救弊補偏之意但惟宣府地方密邇京師七月初二日之警總督巡撫備陳諸將戰

守之功臣等詢諸往來之使人略與督撫所奏相同以故遵奉近日給事中馮成能題奉

明旨先行議賞以示激勸今據總督尚書趙炳然所辯其詞甚壯且本官一聞虜入連夜提兵即至順聖東城平時之忠誠既保其可無欺肆臨事之忠勇更見其切中安攘大率御史遠在真定得之紫荆諸關傳報之言蓋腹裏傳報之人不敢深入邊境捉影捕風以故不可盡信係干紀綱相應通行議擬合候

命下備咨都察院轉行宣大巡按御史查照先今事理作速勘報本部一面備行各處督撫衙門今後遇有倭

虞之警務要備陳功罪聽候

聖明應處分者即爲處分應行勘者仍行巡按御史覆勘
如或扶同將領避罪邀功則是自棄

消時重傷大體悉聽臣等與該科及各該巡按御史指名
叅究 國典具存自難輕貸嘉靖四十五年十月二
十一日題奉

聖旨是欽此

覆湖廣巡按御史陳省奏報水災請嚴邊備疏

題爲目擊異常水災懇乞

聖明軫念嚴勅大小臣工修省消弭以杜未形之患以圖

萬世治安事職方清吏司案呈奉本部送准戶部咨
該巡按湖廣監察御史陳省題奉

聖旨這所奏水災重大一應合行事宜戶禮工部看了來
說欽此欽遵看得巡按湖廣御史陳省題稱湖廣各府
州縣水災異常欲議破格蠲免賑濟及稱連歲災傷
恐民窮盜起要行各該督巡等官撫恤流移緝捕盜
賊謹飭邊防各一節除錢糧本部議覆外其係貴部
掌行者合咨前去煩爲查照施行等因到部送司案
呈到部臣等看得內之盜賊外之夷狄雖

明聖之世所不能免先事消弭臨事廓清則當事文武各

官之責况今上天示戒耶襄之間水患異常是為陰
盛夷狄盜賊皆陰類也皆兵象也巡按御史陳省舉
以為言誠為確論相應通行申飭合候

命下備行沿邊沿海并南北直隸及十三省各該總督撫
鎮等官嚴行守巡兵備副叅遊守等官務要同加修
省撫恤流移以收人心申明保甲以慎守望修復民
壯以飭兵防深哨風汛以嚴倭警果有不逞之徒必
使潛消默奪方為上策萬一突起草莽海洋之中一
鼓擒之一舫滅之斯為中策若漫不經理任其抗撓
則基禍遺患之罪國典具在自難輕貸即今雖已

入冬尚有閏月一月不止薊鎮仍當戒嚴近而宣大山遼遠而延寧甘固均當一體隄備以答

天心之仁愛以副

聖明之委任以慰黎庶之屬望臣等愚見惓惓如此均乞聖裁嘉靖四十五年十月二十二日題奉

聖旨是欽此

覆遼東督撫等官劉壽等報虜犯錦州功罪疏

題爲北虜擁衆入寇官軍血戰即時驅逐退遯事職方

清吏司案呈奉本部送兵科抄出總督薊遼保定等處軍務兼理糧餉兵部右侍郎兼都察院右僉都御

史劉燾巡撫遼東地方兼督理軍務都察院右僉都御史魏學曾鎮守遼東總兵官署都督僉事王治道各題同前事巡按山東監察御史李叔和題爲達賊擁入腹裏官軍追敵陣傷將領官員事俱奉

聖旨兵部知道欽此欽遵抄出送司卷查先爲北虜擁衆犯邊事該薊遼總督鎮巡等官侍郎劉燾等揭報達賊入犯錦州官軍對敵出境緣由已經本部咨行都察院轉行彼處巡按御史查勘去後今該前因查呈到部看得遼東總督撫鎮巡按官侍郎劉燾等題稱本年九月二十五日達賊糾衆入犯錦州地方巡撫

都御史魏學曾又稱當有總兵官王治道統率各路官兵奮勇衝鋒與賊血戰殺死達賊百餘斬首一級即時奔退出境及稱總兵官王治道勇略威令超絕一時叅將趙完李思忠原任叅將杜鏜遊擊王有臣守備王政儼備禦張延賞各奮勇血戰功俱可錄陣亡指揮金輅並其餘官軍情俱可憫要將王治道優賚李思忠等給賞趙完等以功准過陣亡官軍厚擬陞錄仍行巡按御史查勘分別奏請各一節爲照前項醜虜突犯錦州地方當日出境一時官軍血戰之功似不爲虛但兩兵相接彼此殺傷勢所不免其陣

亡者恐不止於所報指揮金輅等之數必須覈勘的確方可議擬合候

命下移咨都察院轉行彼處巡按御史即查前賊實有若干是否旋入旋出官軍果否對敵損傷之數是否止於金輅等逐一勘明大率還當錄其戰功略其疎失以倡勇敢以服人心如果所奏不實失事重大亦要從實叅究以示後戒嘉靖四十五年十月二十三日題奉

聖旨是欽此

覆山西巡按御史王漸等傳報虜賊隄備疏

題爲傳報緊急聲息事職方清吏司案呈奉本部送該
巡按山西監察御史王漸揭帖前事總督宣大山西
等處地方軍務兼理糧餉兵部尚書兼都察院右都
御史趙炳然揭帖爲聲息事等因到部送司案呈到
部看得山西入犯之賊先據督撫等官趙炳然等止
報三千已經臣等計料具題惟恐尚有別虜分道入
犯通行寧武鴈門一帶各加防範近該總督趙炳然
又報五六千騎從驢皮窰乾溝進入今雖俱在迤邐
偏關一帶賊情叵測極當過慎除馬上差人移文總
督趙炳然一面謹守南山以固京陵之防一面調

廉總兵官董一奎巡撫都御史王繼洛多方拒堵移
令及早出境毋致蔓延內地縱寇殃民自取罪咎外
嘉靖四十五年十月二十五日題奉

聖旨是知道了欽此

懇乞辭免重任疏

奏爲懇乞

天恩辭免重任事近以吏部尚書員缺伏奉

聖旨這首卿要至公爲國推來三四員簡用欽此隨該吏
部等衙門會推相應官四員首及于臣題奉

聖旨楊博改吏部尚書餘官如故欽此臣聞

命自

天不勝感激不勝驚悚伏念臣起自寒素游登顯順悉賴
我

皇上生成作養之恩中間三歷邊閫再晉孤卿又皆
御筆親擢至於待罪本兵以來一切機宜悉由
宸筭臣不過蚤夜祇承少圖犬馬之報詎意

天恩隆重吏部之

命猥及於臣竊惟吏部尚書乃古冢宰之官班先八座職
綜三銓自非明德宿望無以堪此臣性既庸劣識
媿淺衡鑑之任實所未能即今

堯舜在上

聖神文武知人安民時勤

淵衷銓曹重寄臣若冒然當之難免負乘覆餗之咎夫舍短取長者

聖皇器使之仁審已量力者人臣自處之義此臣所以展轉於心不能已於控辭者也伏望

聖慈察臣愚悃收回

成命容臣仍以舊銜供職臣無任屏營俟

命之至嘉靖四十五年十月二十七日奏奉

聖旨朕以卿端慎公明銓衡重任特茲簡用所辭不允吏

部知道欽此

楊襄毅公本兵疏議卷二十終